



Til Kommunestyret i Vaksdal kommune

Vår sakshandsamar: Kari Marie Nygard

Dykkar ref.:
Vår ref: 2018/74
Vår dato: 28.11.2018

Partsbrev vedr. sak: Kontroll av arbeidstilhøva for tilsette som utfører arbeid på ny Dale barne- og ungdomsskule

Vedlagt følger partsbrev frå kontrollutvalet si handsaming i møte 27.11.18.

Ber om at saka vert lagt fram for kommunestyret på førstekomande møte.

Med helsing

Hogne Haktorson
kontrollsjef

Kari Marie Nygard
seniorrådgjevar

Dokumentet er elektronisk godkjent og har derfor ikkje underskrift.

Kopi til:
Ordførar
Rådmann
Utvalseiar

Arkivsak: 217
 Arkivnr: 2018/74-3
 Sakshandsamar: Kari Marie Nygard

Saksframlegg

Saksgang

Utval	Saknr.	Møtedato
Kontrollutvalet i Vaksdal kommune	51/18	27.11.2018

Kontroll av arbeidstilhøva for tilsette som utfører arbeid på ny Dale barne- og ungdomsskule

Bakgrunn

Sekretariatet har motteke melding om vedtak som er gjort i kommunestyremøte 01.10.18 i sak 60/18. Oversendinga inneheld og utdrag frå møteprotokollen frå det aktuelle kommunestyremøte. Dette viser saksframlegg for sak «Strategi for kommunale anskaffingar – tiltak mot arbeidslivskriminalitet og svart økonomi», samt skildring av behandlinga av saka i møte 01.10.18. Begge deler ligg ved saka.

Det vart fatta slikt vedtak i kommunestyremøte 01.10.18.:

«Kommunestyret ber rådmann utarbeide framlegg til strategi for anskaffingar med bakgrunn i rammene som er uttrykt i saka her.

Kommunestyret ber kontrollutvalet om at det i løpet av 2019 vert gjort ein kontroll av tilhøva for dei tilsette som utfører arbeid på ny Dale barne og ungdomsskule.

Ein slik kontroll kan innehalda ma:

- Arbeidskontraktar (også underleverandørar
- Oversikt over underleverandørar
- Bruk av lærlingar
- HMT
- SHA-plan

Lista er ikkje uttømmende.

Ein slik revisjon/kontroll vert løyst innan kontrollutvalet sitt budsjett.»

Spørsmålsstillingar rundt førebuing av denne saka for kontrollutvalet

Sekretariatet har merka seg at kommunestyret har gjort fleirtalsvedtak i den delen som var rådmann sitt framlegg til vedtak. Vidare har ein og merka seg at det er Kjartan Haugsnes som har kome med tilleggsframlegg i saka, og at tilleggsframlegget er vedtek av fleirtalet av kommunestyret. Kjartan Haugsnes innehar stilling som seniorrådgjevar ved Sekretariat for kontrollutvalet i Hordaland fylkeskommune, som utfører sekretariatsfunksjonen for kontrollutvalet i Vaksdal kommune.

Drøfting

Sekretariatet har internt drøfta om det er rett i høve vår uavhengighet i relasjon til Vaksdal kommune å saksførebu ei bestilling frå kommunestyret til kontrollutvalet når det er ein tilsett hos oss som har fremma forslaget som fekk fleirtalsvedtak. Sekretariat for kontrollutvalet, akkurat som revisjonen, er avhengig av å ha tillit i Vaksdal kommune, kommunestyret og i kontrollutvalet. Slik sekretariatet ser det vil det difor vera problematisk og kunne svekke vår tillit dersom vi førebur saka for kontrollutvalet. Dersom vi tek på oss å

saksførebu denne saka vil det lett kunne stillast spørsmål ved vår uavhengighet og habilitet. Det er viktig med tillit til dei organ som skal fremja saker for kontrollutvalet fordi i tvils-tilfeller kan dette vera med og svekka tilliten til dei vedtak som kontrollutvalet fattar. Ei alternativ løysing kan vera å få «eit settesekretariat» til å førebu saka i staden.

Korleis slike situasjonar skal handterast er ikkje nedfelt i verken lov eller forskrift, men det er likevel naudsynt å legge spørsmålsstillinga fram for kontrollutvalet til drøfting før ein går vidare med saka.

Sekretariatet ser at ein parallell til å vurdera sekretariatet sin habilitet i sakshandsaminga kan vera krava som vert sett til revisor sin uavhengighet ovanfor kommunen. § 79 i Kommuneleova lyder:

«Den som foretar revisjon for en kommune eller fylkeskommune kan ikke ivareta revisjons- og kontrolloppdrag for kommunen eller fylkeskommunen dersom revisor eller dennes nærstående har en slik tilknytning til revidert eller kontrollert virksomhet, dens ansatte eller tillitsmenn, at dette kan svekke revisors uavhengighet og objektivitet. Det samme gjelder dersom det foreligger særegne forhold som er egnet til å svekke tilliten til revisors uavhengighet og objektivitet ved gjennomføring av oppgavene.»

Konklusjon

Sekretariatet rår til at kontrollutvalet sender saka tilbake til kommunestyret med forslag om at kontrollutvalet får fullmakt til å engasjere eit settesekretariat til å førebu sak for kontrollutvalet når det gjeld «Kontroll av tilhøva for dei tilsette som utfører arbeid på nye Dale barne og ungdomsskule».

Forslag til innstilling

Kontrollutvalet får fullmakt til å engasjere eit settesekretariat til å førebu sak for kontrollutvalet når det gjeld «Kontroll av tilhøva for dei tilsette som utfører arbeid på nye Dale barne og ungdomsskule».

Saksprotokoll i kontrollutvalet - 27.11.2018

Handsaming i møtet:

Sekretariatet orienterte om bakgrunnen for forslaget om innstilling i saka til kommunestyret. Kontrollutvalet drøfta ut frå dette og forslag til innstilling blei samrøystes vedteke.

Innstilling:

Kontrollutvalet får fullmakt til å engasjere eit settesekretariat til å førebu sak for kontrollutvalet når det gjeld «Kontroll av tilhøva for dei tilsette som utfører arbeid på nye Dale barne- og ungdomsskule».

Hogne Haktorson
kontrollsjef

Kari Marie Nygard
seniorrådgjevar

Dokumentet er elektronisk godkjent og har derfor ikkje underskrift.

Vedlegg:

- Melding om vedtak frå Vaksdal kommune – i sak «Strategi for kommunale anskaffingar – tiltak mot arbeidslivskriminalitet og svart økonomi»
- Utdrag frå møtebok til kommunestyremøte 01.10.18 – «Strategi for kommunale anskaffingar – tiltak mot arbeidslivskriminalitet og svart økonomi» - som viser saksframlegg og behandling i KST